

singulis bonis, possessionibus, mansis et annuis redditibus beati Ostdages, cujus corpus in eadem requiescit ecclesia, cum eorum fructibus, proventibus, juribus et obvencionibus universis ac aliis eorum bonis, curiis, domibus casalibus, decimis grossis et minutis, agris, pratis, pascuis, silvis, nemoribus et novalibus, nec non ducentas marcas puri argenti pro annuis redditibus et possessionibus, ad predictas sex prebendas, decanatum et vicarias eo largius fundandas et dotandas comparandis et emendis, donatione irrevocabili et perpetuo duratura obtulit, deputavit, contulit, assignavit, dedit et donavit, nichil sibi vel suis heredibus et successoribus in eisdem bonis juris vel domini reservando, ita videlicet et ea intencione, quod omnes et universi fructus, redditus et proventus de hujusmodi decimis, curiis, possessionibus et agris ac de predicta curia Luchtehoff et universis bonis beati Ostdages ac de quibuslibet aliis bonis supranominatis provenientes, nec non et universi fructus, redditus et proventus ad eandem ecclesiam parochialem pertinentes in quibuscunque bonis, possessionibus, agris, pratis, pascuis, silvis et nemoribus vel aliis bonis existant cum omnibus eorum juribus et pertinenciis ac obvencionibus universis inter decanum, qui duplicem habebit porcionem, et sex canonicos, ad eosdem canonicatus et prebendas instituendos, qui continue in eis resideant, nisi de licencia decani pro tempore existentis ad tempus congruum ex justis et rationabilibus causis absentes fuerint, equaliter salvis cottidianis distribucionibus et altaris ejusdem ecclesie oblationibus nec non competentibus redditibus, dictis duabus vicariis de bonis hujusmodi ministrandis, de quibus ipsi decanus, canonici et capitulum instituti disponent et ordinabunt, distribuantur et temporibus congruis dividantur, qui, inquam, decanus, canonici et capitulum in omnibus suis et ejusdem eorum ecclesie agendis et exercendis se statutis et consuetudinibus dicte nostre Minden-sis ecclesie et ejus capituli ac institutionibus spiritualibus et divinis per omnia conformabunt.